

Badische Landesbibliothek Karlsruhe


Digitale Sammlung der Badischen Landesbibliothek Karlsruhe

**Ultimus Honor Magno Medicinae Statori, Viro Illustri,
Domino Melchiori Sebizio, Medico Doctori, professori ...**

Sebisch, Melchior

Argentorati, 1674

[urn:nbn:de:bsz:31-136610](https://nbn-resolving.org/urn:nbn:de:bsz:31-136610)





ULTIMUS HONOR
MAGNO
MEDICINÆ STATORI, 49.
VIRO VDM
ILLUSTRI, bl.
DOMINO
MELCHIORI SEBIZIO,
MEDICO
DOCTORI, PROFESSORI,
EXPERIENTISSIMO, EXCELLENTISSIMO,
SACRI PALATII CÆSAREI
COMITI
MAGNIFICO,
AUGUSTÆ REIPUBLICÆ
ARGENTORATENSIS
ARCHIATRO
MERITISSIMO,
VENERANDI COLLEGII THOMANI
PRÆPOSITO
AMPLISSIMO,
MEDICORUM NESTORI,
VIRO
UBIQUE
OPTIMO, MAXIMO,
QUI VIVERE DESIIT VIII. CAL. FEBR.,
SENEX FERE CENTENARIUS,
DEVOTA MENTE
EXHIBITUS
A
COLLEGIO
STUDIOSORUM MEDICINÆ.

ARGENTORATI,
Literis GEORGII ANDRÆE DOLHOPFFII,
Imprimebat JOHANNES Schütz.
ANNO MDC LXXIII

Ilustres cantare viros, celebrareq; versu
Digno, digna polo, radiantia lumina mundi,
Mens excelsa potest. Solius dicere laudes,
Laudati res ista viri est; celebranda requirit
Et vatem celebrem virtus excelsa; Poetas
Heroës habuere suos, qui facta canebant
Ardua sublimes, atq; æquo carmine gestis.
Magnifico sic ore loquens decantat Achillem
Mæonides reliquosq; Duces, sic scripta Maronis
Æneam sociosq; canunt. Sed carmine pergant
Heroas jaclare suos! SEBIZIUS unus
Sufficit illustris, CUI laudes alter Homerus
Dicat, vel Latiae Marcus lux magna loquelæ.

Quid tennes tentatis EUM memorare Camænæ
Nunc nostræ? QUEM fama tulit, dum viveret, inter
Sidera, QUEM pietas post mortem, hoc æmula fame,
Collocat in cælis, ac astra hoc sidere complet.
HIC nobis nunc carmen erit. Splendore coruscus
Omnis laudis adest, si quæ dat nobilis ortus
Nomina cernamus, vel gloria Gente vetusta
Inquirenda venit, produxit nobile NOSTRUM
Germen, & antiquo est pugnacis natus Ilingæ
Sanguine, qui Jadrum cum Buro biberat acri.
Suscepit genitum celebri magnoq; Parente
Argentina, spei certæ venerabile pignus,
Et decus aucturo jam tunc Academia voti
Compos gaudet EO, lætosq; hinc personat hymnos.

Accrescunt anni, cum Spiritus altior inter
Omnes effulget, sibi quos doctrina juventæ
Tum dederat socios, velut inter sidera surgens
Luna minora micat major, juvenisq; senili

Ingenio

Ingenio famæ certissimus IPSE futuræ
Fam suus est vates, cum mentis dona loquuntur,
Et divina VIRUM cœlestem munera produnt.

Famq; videns & Diva suum, gaudebat Hygeia,
Quæ multis renovat spem vitæ, fata retardans
Mortis, sublimi mox æthere talia fatur:

HIC mihi natus erit, vitæ productor humanæ,
Qui felix patrioque reget medicamine gentes.

HIC vivet tibi, Parca, gravis, stygiique carina
Nautæ nulla gemens umbrarum pondere, porro
Undas accipiet multas, cum nauta carebit

Nunc mercede sua. Morbos aget ille triumphos
Fati Victor ovans, seclique novæque salutis

HIC reparator erit. Præstabit HIC arte Galenum
Et reliquos artis Proceres ac Lumina, secli

Hippocratesq; Sui Cous redivivus in orbe

Audiet, atque senem divum veneranda senectus
Reddet, ut IPSE suâ vitâ testabitur artis

SE lumen Medicæ. Sic postquam Diva locuta est,
Conticuit tandem, pressoque obmutuit ore.

At magnus Noster VIR quam feliciter omne
Complet, quemque sibi Dea jam speraverat alma,

Exequitur. Tum facta probant, quæ lumine digna
Cerni sunt concessa domi. Famque exteris orbis

Expectat, cumque IPSE cupit peregrina videnda.
Scilicet haud patriæ solum inter mœnia fama

Est conclusa latens; sed ut omni clarior orbi
Sit, terras mutans, alieno Sole calentes

Invisit populos, peregrinæ plurima gentes

Admirantur EUM, tanto lætę hospite, fronte

Excipiunt hilari, sic ILLUM prompta fovebat

Gallia

Gallia culta diu. Sed adhuc quo major in arte
Luceat & studiis lux, fertilis Itala tellus
Divino ingenio pergrata alimenta ministrat.
Nostratis nomen quoq; Regna Britannica norunt
Lustrata, & Belgæ juvenis Respublica visa.
Quantum debebis, quantum Germania Nostro?
Qui laudes secum ecce tuas vectabat in omnes
Fines, perlustrans terras atque æquora circum.

Sic varias portatur honos & nomen in oras,
Dum varios peragrat tractus. Illustrior inde
Gloria surgit adhuc ILLI, sublimia quando
Undiq; scripta volant patulum revolantq; per orbem,
Æmula Scriptori mortem terrentia scripta,
Non moritura fugant mortem, revocantq; salutem
Afflictis, quos morbus habet, dum nectare multos
Erudiunt ægris medicamina fida daturos.

Quantus HIC ergo fuit VIR? quo non amplius orbis
Dignus censetur. Heu nunc! oracula Phœbi
Cum VIR Magnus obit, terris cessare videntur.
Est tamen est Nostri jam divus in ore superstes
Spiritus, atq; animâ Magni, qui facta PARENTIS
Æmulus exsequitur, GNATI, Quem Juppiter ævo
Prolixo det stare VIRUM, quod & omnis in orbe
Pæonia vovet artis amans, quodque æmula nostri
Posteritas voti voveat, celebretque, canatque!
Donec divinus Patrio immiscetur Olympo,
Et Patrio fulget cum sidere: duplicis Astri
Lucida Biga vibret radios. Sic fama perennet (semper,
SEBIZIORUM ingens magnorum, & splendida
Æthereo signata stylo, cernatur in astris!



